



## **MORALO OA HO BULA LIKOLO OA LEKALA LA THUTO LE KOETLISO NAKONG ENA EA COVID-19**

Sechaba sa heso, joalo ka ha le hlokometse, ho tloha selemong se fitileng sa 2019, lefatse lohle esale le aparetsoe ke tsitsipano ea seoa sena sa Covid-19. Ka lebaka la boemo bona, likolo tsohle li ile tsa laeloa ho koala. Lekala la Thuto le Koetliso esale ele 'mesa mohloane ho beha maemo ana leihlo le ho etsa matsapa ohle a ho fumana tharollo ea moshoelella. Taba kholo e le polokeho ea bophelo ba barutoana le litichere. Kajeno ke hlahella mona ke latella polelo ea Mohlomphehi Tona-Khoho ea la 20 Phato 2020, ea hore likolo li ka qalella ho bula ho latela 'mala o pherese o lumellang e meng ea mesebetsi ho tsoela pele. Leha hole joalo, re ntse re lokela ho bona hore barutoana le litichere ba bolokehile, lisebelisoa li teng, mekhoha ea katamelo e lokela hore ebe e ikamahanyang le liphelelo tsa mokhatlo oa lefatse oa bophelo (WHO) le lekala la bophelo ka hohle-hohle.

Lekala la Thuto le Koetliso le phatlaetsa sechaba sohle ka moralo o entsoeng mabapi le ho buloa hoa likolo molemong oa lihlopha tse tšil'oa ngola lihlahlobo likolong tse bohareng le tse phahameng. Likolo li tla bula ka mekhahlelo, ho qala ka sehlopha sa JC, Grade 11, Form E, Advanced Subsidiary (AS), A'Level ho kenyeletsa Immaculate Baccalaureate (IB), primary checkpoint le lower secondary checkpoint tse ngoloang likolong tse ikemetseng feela. Likolong tse phahameng re na le barutoana ba ngolang Lesotho General Certificate of Secondary Education

(LGCSE) le International General Certificate of Secondary Education (IGCSE). Re boetse re na le barutoana ba ngolang LGCSE ba bile ba ngola lithuto tse 'maloa kapa e le 'ngoe ea lithuto tsa IGCSE. Likolo tsohle tse hlahlobiloeng ho ipapisitsoe le lipehelo tsa mokhatlo oa lefatše oa bophelo (WHO) le Lekala la Bophelo li lokolloa hore li bule.

Khothaletso ea Lekala ke hore nako ea lithuto likolong, e tle e be ho tloha ka hora ea borobong hoseng ho isa horeng ea bobeli motseare oa mantsiboea re ipapisitse le melaoana ea WHO. Lekala le boela le khothaletsa tšebeliso ea matsatsi a tšeletseng bekeng. Ka ho ela hloko litumelo tsa beng ba likolo ka ho fapakana, lekala le eletsa likolo ho ikhethela ho sebetsa ka moqebelo kapa ka sontaha e le letsatsi la botšelela.

Likolo li tla bula ka tsela e latelang:

- Lihlopha tsohle tse ngolisang lihlahlobo tsa IGCSE, AS, A'Level, IB, primary checkpoint le lower secondary checkpoint li tla bula ka la **31 Phato 2020**.
- Likolo tsohle tseo eleng tse ikemetseng (Independent schools) li tla bula ka la **07 Loetse 2020**.
- Phumantšo ea PPEs likolong tsohle lihlopheng tse lumeletsoeng ho bula ke Lekala la Thuto le Koetliso e tla etsoa ho tloha **01-25 Loetse 2020**.
- Likolo tsohle tse ngolisang lihlopha tsa mapomelo likolong tse phahameng tsa 'Musu le tsa likereke li tla bula ka la **06 Mphalane 2020**.

Ke likolo tse tl'oa ngola lihlahlobo tsa mapomelo feela tse tlang ho bula ka la 07 Loetse 2020 ho isa la 16 Tlhakola 2021 likolong tse ikemetseng, le la 06 Mphalane 2020 ho isa la 20/21 Tlhakubele 2021 likolong tsa 'Musso le tsa likereke. Lekala la heso le se le hlophile school calendar e tla fumantsoa likolo ho li tataisa tabeng ena.

Lekala la heso le boetse le entse tlhopho le Lekhotla la lihlahlobo (ECOL) hore, likolo tsohle tse ngolisang IGCSE, AS le A'Level, primary checkpoint le Lower secondary checkpoint li tsoelepele ka lihlahlobo joalo kaha ho hlophiloe ke Cambridge Assessment.

Lihlahlobo tsohle tsa JC le LGCSE li tla chechisetsoa Tlhakola ho isa Tlhakubele 2021. Taba e kholo hape ke hore, lihlahlobo tsa IGCSE le tsona li ntse li na le monyetla oa ho ngoloa ka Tlhakola 2021 ho bohle ba ikutloang ba se boemong ba ho ngola ka Mphalane 2020.

Sechaba sohle se tsebisoa hore nako ea ho ingolisetsa lihlahlobo, e ekelitsoe ho fihlela mafelong a Mphalane 2020 bakeng la bohle ba sa ngolisetsang ho ngola lihlahlobo tsa mapomelo le ECOL. Lekhotla la lihlahlobo (ECOL) le tla fumantsoa likolo time-table ea ho ngola.

Lekala le ntse le tsoelapele ho tsoara lipuisano le mafapha a fapakaneng a sechaba ele ho hapella maikutlo a bohle ba nang le kobo ea bohali litabeng tsa thuto, e le ho lokisetsa ho bula likolo ka kakaretso. Ke qetella ka ho lemosa sechaba hore litsi tsa

thuto e phahameng le likolo tsa mosebetsi oa matsoho tsona li sentse li le kahare ho boithlophisetso ba ho bula.

Ke lakaletsa bohle polokeho le bophelo bo botle nakong ena e boima ea covid-19.

**KHOTSO!**

**PULA!**

**NALA!**